

Bosna i Hercegovina
Federacija Bosne i Hercegovine
Bosansko - podrinjski kanton Goražde
MINISTARSTVO ZA PRIVREDU



Босна и Херцеговина
Федерација Босне и Херцеговине
Босанско - подрињски кантон Горажде
МИНИСТАРСТВО ЗА ПРИВРЕДУ

Bosnia and Herzegovina
Federation of Bosnia and Herzegovina
Bosnian - podrinie Canton Gorazde
MINISTRY OF ECONOMY

Bosna i Hercegovina
Federacija Bosne i Hercegovine
BOSANSKO-PODRINJSKI KANTON GORAŽDE

PRIMLJENO	21-08-2020		
Orga nizaciona jedinica		redni broj	broj priloga
	07-11-	2008	-2/20

PROGRAM

utroška sredstava

Ministarstva za privredu Bosansko-podrinjskog kantona Goražde
sa ekonomskog koda 615 100 Kapitalni transferi drugim nivoima vlasti (vodne
naknade) za 2020. godinu

Plan i Program utroška sredstava u sektoru vodoprivrede za 2020. godinu

Goražde, avgust 2020. godine

PODACI O PROGRAMU

Naziv programa:	Plan i Program utroška sredstava u sektoru vodoprivrede za 2020.godinu
Budžetski korisnik:	Ministarstvo za privredu BPK-a Goražde
Budžetski razdjel:	17
Budžetska pozicija:	17-171
Ekonomski kod:	615 100
Naziv analitičkog koda:	Kapitalni transferi drugim nivoima vlasti - (vodne naknade)
Period realizacije programa:	Od dana donošenja - 31.12.2020.
Ukupna vrijednost programa:	400.000,00 KM
Odgovorna osoba:	Mensad Arnaut
Pozicija odgovorne osobe:	Ministar
Kontakt osobe za Program:	Medžida Raščić Emir Drakovac
Kontakt telefon:	+387 38 228 256
Kontakt e-mail:	privreda@bpk.gov.ba
Internet:	www.mp.bpkg.gov.ba

U skladu sa članovima 57. i 58. Zakona o vodama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 6/10) a u vezi sa članom 178. stav 2. Zakona o vodama („Službene novine FBiH“, broj: 70/06) i članovima 45. i 50. Zakona o izvršenju Budžeta Bosansko-podrinjskog kantona Goražde za 2020. godinu („Službene novine Bosansko-podrinjskog kantona Goražde“, broj: 15/19 i 5/20), na prijedlog Ministarstva za privredu Bosansko-podrinjskog kantona Goražde, Vlada Bosansko-podrinjskog kantona Goražde, **donosi**:

PROGRAM

utroška sredstava Ministarstva za privredu Bosansko-podrinjskog kantona Goražde sa ekonomskog koda 615 100 - Kapitalni transferi drugim nivoima vlasti (vodne naknade) za 2020. godinu

Plan i Program utroška sredstava u sektoru vodoprivrede za 2020. godinu

1. NAZIV PROGRAMA

„Program utroška sredstava Ministarstva za privredu Bosansko-podrinjskog kantona Goražde sa ekonomskog koda 615 100 – Kapitalni transferi drugim nivoima vlasti (vodne naknade) za 2020. godinu“ – „Plan i Program utroška sredstava u sektoru vodoprivrede za 2020. godinu“ (u daljem tekstu: Program).

2. SVRHA I OPIS PROGRAMA

2.1. Svrha Programa

Svrha ovog Programa je da osigura namjenski, planski i transparentan utrošak sredstava, odobrenih u Budžetu Ministarstva za privredu Bosansko-podrinjskog kantona Goražde na ekonomskom kodu 615 100 - Kapitalni transferi drugim nivoima vlasti (vodne naknade), u skladu sa članom 57. Zakona o vodama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 6/10) i Zakonom o izvršenju Budžeta Bosansko-podrinjskog kantona Goražde za 2020. godinu („Službene novine Bosansko-podrinjskog kantona Goražde“, broj: 15/19 i 5/20), u cilju unaprjeđenja vodoprivredne infrastrukture na području Bosansko-podrinjskog kantona Goražde.

2.2. Opis Plana i Programa

Plan i Program utroška sredstava u sektoru vodoprivrede za 2020. godinu, definiše njegove bitne elemente i to opće i posebne ciljeve, kriterije za raspodjelu sredstava, potrebna sredstva, korisnike sredstava, namjenu utroška sredstava, procjenu rezultata koji će se ostvariti te procjenu nepredviđenih rashoda i izdataka.

Poslovi koji su prema odredbama Zakona o vodama Bosansko-podrinjskog kantona Goražde i federalnog Zakona o vodama stavljeni u nadležnost kantona i općina finansiraju se iz slijedećih izvora:

- dijela sredstava prikupljenih po osnovu vodnih naknada i zakupa javnog vodnog dobra na površinskim vodama I kategorije, koja po članu 177. stav 1. federalnog Zakona pripadaju kantonu,
- prihoda po osnovu zakupa javnog vodnog dobra na površinskim vodama II kategorije,
- budžeta kantona i budžeta općina,
- kreditnih sredstava,
- sredstava osiguranih posebnim zakonom,
- donacija i ostalih sredstava u skladu sa zakonom.

Korištenje ovih sredstava propisano je članom 57. Zakona o vodama Bosansko-podrinjskog kantona Goražde i članom 178. stav 2. Zakona o vodama („Službene novine Federacije Bosne i Hercegovine“, broj: 70/06), u skladu sa godišnjim planom i programom, koji na prijedlog Ministarstva za privredu donosi Vlada Bosansko-podrinjskog kantona Goražde.

Članom 177. Zakona o vodama („Službene novine FBiH“, broj: 70/06) propisana je raspodjela prihoda ostvarenih po osnovu općih i posebnih vodnih naknada i prihoda prikupljenih na osnovu zakupa javnog vodnog dobra na površinskim vodama I kategorije na slijedeći način:

- nadležnoj Agenciji za vode40 %
- **u korist Budžeta Kantona.....45 %**
- u korist Fonda za zaštitu okoliša Federacije BiH.....15 %.

Prema navedenim odredbama Zakona, ovi prihodi se koriste za sufinansiranje izgradnje i održavanja vodnih objekata (zaštitni objekti, objekti za iskorištavanje voda: za vodosnabdijevanje i za navodnjavanje, objekti za zaštitu voda od zagađivanja, objekti za odvodnjavanje), kao i ostale aktivnosti vezane za poslove upravljanja vodama.

PREGLED PRIHODA OSTVARENIH OD VODNIH NAKNADA U 2019. GODINI

Tabela 1.

REDNI BROJ	GRAD/OPĆINA	OPĆA VODNA NAKNADA (KM)	POSEBNE VODNE NAKNADE (KM)	UKUPNO (KM)
1.	GORAŽDE	113.444,41	123.138,49	236.582,90
2.	FOČA FBIH	1.921,86	4.175,23	6.097,09
3.	PALE FBIH	1.034,23	4.069,05	5.103,28
U K U P N O:		116.400,50	131.382,77	247.783,27

3. OPĆI I POSEBNI CILJEVI PROGRAMA

Pored zakonskog osnova, opći i posebni ciljevi Plana i Programa su obuhvaćeni Strategijom razvoja Bosansko-podrinjskog kantona Goražde za period 2016-2020. godina („Službene novine Bosansko-podrinjskog kantona Goražde“, broj: 4/16), strateškim ciljem 3: „Osigurati održivo upravljanje okolišem i prirodnim resursima, te jačati komunalne infrastrukturne kapacitete u Kantonu“, kroz mjeru 3.2.1: „Izgradnja i rekonstrukcija infrastrukture za vodosnabdijevanje, kanalizaciju, otpadne i oborinske vode“.

3.1. Opći/Osnovni ciljevi Programa

Opći (osnovni) ciljevi Plana i Programa su:

- provedba strateškog cilja 3. Strategije razvoja Bosansko-podrinjskog kantona Goražde za period 2016.- 2020. godina („Službene novine Bosansko-podrinjskog kantona Goražde“, broj: 4/16) - „Osigurati održivo upravljanje okolišem i prirodnim resursima, te jačati komunalne infrastrukturne kapacitete u Kantonu“,
- poboljšanje uslova života i standarda stanovništva lokalnih zajednica kroz unaprjeđenje javnog vodosnabdijevanja.

3.2. Posebni ciljevi Programa

Plan i Program sadrži poseban cilj u okviru kojeg će se pružati podrška korisnicima Programa.

Poseban cilj Programa je:

- sufinansiranje projekata izgradnje, rekonstrukcije i sanacije cjevovoda za javno vodosnabdijevanje.

4. POTREBNA SREDSTVA ZA PROVOĐENJE PROGRAMA

Potrebna sredstva za provođenje Plana i Programa utroška sredstava u sektoru vodoprivrede za 2020. godinu planirana su u **ukupnom iznosu od 400.000,00 KM**, na ekonomskom kodu 615 100–Kapitalni transferi drugim nivoima vlasti (vodne naknade) Budžeta Ministarstva za privredu Bosansko-podrinjskog kantona Goražde za 2020. godinu („Službene novine Bosansko-podrinjskog kantona Goražde“, broj: 15/19 i 5/20).

Za realizaciju aktivnosti iz posebnog cilja ovog Programa definisan je iznos sredstava:

Tabela 2.

<ul style="list-style-type: none">• Sufinansiranje projekata izgradnje, rekonstrukcije i sanacije cjevovoda za javno vodosnabdijevanje	400.000,00 KM
--	----------------------

5. USLOVI I KRITERIJI ZA RASPODJELU SREDSTAVA

5.1. Opći uslovi za dostavljanje zahtjeva za korištenje sredstava vodnih naknada

Opći uslovi za učešće aplikantata u ovom Programu su:

- De će odobrena sredstva biti namjenski utrošena,
- Da su korisnici sredstava namjenski utrošili i opravdali odobrena sredstva iz prethodne godine ili da je realizacija projekata u toku,
- Da korisnici sredstava osiguraju vlastito učešće ili učešće iz drugih izvora finansiranja, minimalno 40 % od ukupne vrijednosti projekta sa kojim se aplicira,
- Da korisnici sredstava imaju izrađenu investiciono-tehničku dokumentaciju na nivou Glavnog projekta.

5.2. Kriteriji za raspodjelu sredstava

Pravo na sredstva po ovom Programu imaju lokalne zajednice u sastavu Bosansko-podrinjskog kantona Goražde.

Za potrebe utvrđivanja visine sredstava koja će biti odobrena po ovom Programu, utvrđeni su slijedeći kriteriji za bodovanje:

1. Ostvareni prihodi po osnovu vodnih naknada za prethodnu godinu na nivou lokalne zajednice **max 90 bodova**

Bodovanje po ovom kriteriju izvršeno je tako da je lokalna zajednica na čijoj je teritoriji prikupljeno najviše prihoda po osnovu vodnih naknada dobila 90 bodova a ostali aplikanti su bodovani srazmjerno visini prikupljenih prihoda po osnovu vodnih naknada na njihovoj teritoriji.

2. Indeks razvijenosti lokalne zajednice **max 10 bodova**

Na osnovu ovog kriterija bodovanje je izvršeno na način da je lokalna zajednica koja je u prethodnoj godini imala najmanji indeks ili stepen razvijenosti dobila 10 bodova dok su ostale lokalne zajednice bodovane srazmjerno stepenu razvoja u odnosu na najnerazvijeniju lokalnu zajednicu na prostoru Bosansko-podrinjskog kantona Goražde.

Za bodovanje kod ovog kriterija korišteni su podaci Federalnog zavoda za programiranje razvoja za 2019. godinu – Socioekonomski pokazatelji po općinama FBiH 2019. - Tabela 1.

Visina sredstava koja se mogu odobriti po ovom Programu je određena kao proizvod ostvarenog koeficijenta po osnovu bodova i ukupnog iznosa sredstava koja su predviđena ovim Programom.

Koeficijent je određen kao odnos broja bodova koje je aplikant ostvario i ukupnog broja bodova svih aplikantata.

5.3. Način raspodjele sredstava

Sredstva odobrena Budžetom Bosansko-podrinjskog kantona Goražde za 2020. godinu („Službene novine Bosansko-podrinjskog kantona Goražde“, broj: 15/19 i 5/20), raspoređivat će se po ovom Programu, koji na prijedlog Ministarstva za privredu donosi Vlada Bosansko-podrinjskog kantona Goražde.

Uvažavajući specifičnost Bosansko-podrinjskog kantona Goražde, u čijem sastavu se nalazi Grad Goražde kao najrazvijenija i najnaseljenija lokalna zajednica sa vlastitim prihodima i općine Pale FBiH i Foča FBiH kao nerazvijene općine i kriterije za raspodjelu sredstava utvrđene u tački 5.2. ovog programa, lokalnim zajednicama, ukoliko ispune uslove iz tačke 5.1 ovog Programa, odobriće se sredstva do maksimalnog iznosa kako slijedi:

R/br	Naziv lokalne zajednice	Ostvarene vodne naknade u 2019. godini (KM)	Bod.	Index razvijenosti za 2019. godinu	Bod.	Σ bodovi (3+5)	Koeficijent	Sredstva po Programu (KM)	Odobravaju se sredstva u iznosu do: (KM)
1	2	3	4	5	6	7	8	9	
1.	Grad Goražde	236.582,90	90	1,14	4,04	94,04	0,809	400.000,00	323.600,00
2.	Općina Foča FBiH	6.097,09	2,32	0,58	7,93	10,25	0,088	400.000,00	35.200,00
3.	Općina Pale FBiH	5.103,28	1,94	0,46	10	11,94	0,103	400.000,00	41.200,00
						116,23			

5.4. Kandidovanje prijedloga projekata i zahtjeva za sredstvima

Ministarstvo za privredu Bosansko-podrinjskog kantona Goražde će, u cilju transparentne i namjenske raspodjele sredstava ostvarenih od vodnih naknada, objaviti javni poziv za dostavljanje zahtjeva sa prijedlogom projekata za sufinansiranje u 2020. godini, u visini maksimalno 60 % od ukupne vrijednosti apliciranog projekta.

Zahtjev za korištenje sredstava se dostavlja na propisanom aplikacionom obrazcu „**OPP obrazac** - Osnovni podaci o projektu“, koji sadrži: naziv projekta, kratak opis projekta, stepen spremnosti projekta za realizaciju, vrijednost radova sa prijedlogom konstrukcije finansiranja, očekivane efekte nakon realizacije projekta i ostale bitne podatke i informacije o projektu.

Podnosioci zahtjeva za korištenje sredstava po ovom Programu, uz „OPP obrazac“ su dužni dostaviti slijedeću dokumentaciju:

- Izjavu da će odobrena sredstva biti namjenski utrošena,
- Izjavu da su korisnici sredstava namjenski utrošili i opravdali odobrena sredstva iz prethodne godine ili da je realizacija projekta u toku,
- Izjavu da će korisnici sredstava osigurati vlastito učešće ili učešće iz drugih izvora finansiranja, minimalno 40 % od ukupne vrijednosti projekta sa kojim se aplicira,
- Investiciono - tehničku dokumentaciju - Glavni projekat.

Zahtjev za korištenje sredstava se podnosi samo za jedan projekat i mora sadržavati potrebne dokaze o ispunjavanju općih uslova i zahtijevane elemente iz aplikacionog obrazca.

5.5. Otvaranje aplikacija i administrativna provjera

Otvoravanje aplikacija i administrativna provjera aplikacija se provodi odmah nakon isteka roka za dostavljanje zahtjeva sa prijedlogom projekata za sufinansiranje po javnom pozivu.

Administrativnu provjeru provodi komisija Ministarstva za privredu Bosansko-podrinjskog kantona Goražde. Komisija provjerava da li je aplikacija zadovoljila opće uslove iz ovog Programa.

Ministarstvo će kroz Program za 2020. godinu sufinansirati projekte kandidovane od strane lokalnih zajednica za koje utvrdi da ispunjavaju propisane uslove u visini maksimalno planiranih sredstava za ove namjene. Sredstva će se odobravati u skladu sa dinamikom ostvarenih prihoda po osnovu vodnih naknada.

Ministarstvo za privredu Bosansko-podrinjskog kantona Goražde će dostaviti Vladi Bosansko-podrinjskog kantona Goražde prijedloge Odluka o odobravanju sredstava za sufinansiranje projekata lokalnih zajednica.

Na osnovu prijedloga Ministarstva za privredu Bosansko-podrinjskog kantona, Vlada Bosansko-podrinjskog kantona Goražde donosi pojedinačne odluke o odobravanju novčanih sredstava nakon čega će Ministarstvo za privredu ili Vlada Bosansko-podrinjskog kantona Goražde, u zavisnosti od visine sredstava, sa korisnicima sredstava zaključiti Ugovore o sufinansiranju odobrenih projekata, kojima će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Nakon donošenja Odluka o odobravanju novčanih sredstava od strane Vlade Bosansko-podrinjskog kantona Goražde, zahtjev za plaćanje sa pratećom dokumentacijom se dostavlja Ministarstvu za finansije Bosansko-podrinjskog kantona Goražde.

6. KORISNICI SREDSTAVA

Korisnici sredstava planiranih prema ovom Programu su lokalne zajednice sa područja Bosansko-podrinjskog kantona Goražde.

7. POTREBAN BROJ RADNIKA ZA PROVOĐENJE PROGRAMA I MONITORING

Za provođenje Programa su nadležni zaposleni u Ministarstvu za privredu, Ministarstvu za finansije i Vladi Bosansko-podrinjskog kantona Goražde.

Monitoring se provodi sa ciljem utvrđivanja da li se implementacija podržanih projekata provodi u skladu sa potpisanim Ugovorima i u skladu sa odredbama ovog Programa. Korisnici sredstava su dužni, nakon utroška odobrenih sredstava, dostaviti Ministarstvu za privredu Bosansko-podrinjskog kantona Goražde izvještaj o utrošenim sredstvima za namjene predviđene Ugovorom, sa pripadajućom dokumentacijom i dokazima.

Ministarstvo za privredu Bosansko-podrinjskog kantona Goražde će, u cilju praćenja namjenskog utroška odobrenih sredstava, tj. nadzora, formirati Komisiju koja će sačiniti izvještaj o utrošku sredstava Ministarstvu za privredu i Vladi Bosansko-podrinjskog kantona Goražde.

Mjerenje rezultata i provedenih aktivnosti će se vršiti na osnovu periodičnog monitoringa implementacije projekata, sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška odobrenih sredstava.

U slučaju da rezultati monitoringa ukažu na značajan zaostatak u ispunjavanju ugovorenih obaveza, Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde donošenje Odluke o povratu odobrenih sredstava.

Ministarstvo za privredu Bosansko-podrinjskog kantona Goražde će Vladi Bosansko-podrinjskog kantona Goražde dostaviti konačni Izvještaj o utrošku odobrenih sredstava predviđenih ovim Planom i Programom.

8. PROCJENA REZULTATA

Realizacijom ovog Programa očekuje se poboljšanje javnog vodosnabdijevanja lokalnih zajednica u sastavu Bosansko-podrinjskog kantona Goražde.

Mjerenje rezultata predmetnih aktivnosti će se vršiti na osnovu obilaska na terenu i na osnovu pismenih izvještaja korisnika sredstava.

9. PROCJENA NEPREDVIĐENIH RASHODA I RIZIKA

U slučaju promjene visine sredstava i drugih troškova po ovom Programu koji mogu nastati kao rezultat promjene zakonskih propisa ili usklađivanja budžeta Bosansko-podrinjskog kantona Goražde, kao i potrebe za drugačijom raspodjelom sredstava po planiranom projektu, Program se može mijenjati, povećavati ili smanjivati iznos na pojedinim stavkama kao rezultat interne preraspodjele sredstava.

U slučaju manje raspoloživih sredstava od zahtjeva lokalnih zajednica, sa odgovornim predstavnicima utvrdit će se dio aktivnosti iz projekta koji će se financirati iz sredstava vodnih naknada.

U prijedlozima projekata, lokalne zajednice su dužne procijeniti sve rizike koji mogu utjecati na ostvarivanje planiranih rezultata projekta kao i planirati odgovarajuće mjere koje će poduzeti u slučaju ostvarivanja rizika koji mogu utjecati na ostvarivanje planiranih rezultata.

Broj: 03-11-1512-1/20
Goražde, 21.08.2020. godine



Ovaj Plan i Program donijela je Vlada Bosansko-podrinjskog kantona Goražde, Odlukom broj: 03-11-1512/20 od 19.08.2020. godine.